

КАНО́Н И МОЛІ́ТВА
ИЗ МОЛѢБНАГО ПѢНІЯ ВО ВРѢМЯ БРА́НИ
ПРОТІ́В СУПОСТА́ТОВ, НАХОДЯ́ЩИХ НА НЫ

Песнь 1

Ирмо́с: Колесницегонителя фара́ня погрузи́, чудотвори́й иногда́ моисе́йский жезл, крестообра́зно порази́в и раздели́в мо́ре: Изра́иля же беглеца́, пешехо́дца спасе́, пе́снь Бо́гови воспева́юща.

Припе́в: Многоми́лостиве Го́споди, сокруши́ враги́ под но́ги на́ша.

Грех ра́ди на́ших и беззакóний попусти́л еси́, Правосúde, враго́м на́шим озло́бити нас: но милосе́рдия ра́ди твоего́, Человеколю́бче, отврати́ от нас пра́ведный гнев Твой, и поми́луй нас.

Якоже дрéвле на Амалі́ка побéду уго́днику Твоему́ Моисе́ю дарова́л еси́, Ми́лостиве Бо́же: та́ко и ны́не, мо́лим Тя побéду на враги́ ве́рным лю́дем Твои́м да́руй.

Сла́ва: Крестообра́зно просте́ртыма рука́ма Моисе́овыма амалі́кову си́лу низложи́л еси́, Всеси́льне: и ны́не мо́лим Тя, пода́ждь нам си́лу на сокруше́ние и попрание́ возста́ющих на ны.

И ны́не: Си́лою неизрече́нною Твоею́, Многоми́лостиве Христе́, защити́ лю́ди Твоя́ от вся́кия напа́сти, побéду да́руя на враги́, ра́ди Пречи́стыя Твоея́ Ма́тере, и всех святы́х.

Песнь 3

Ирмо́с: Небе́снаго кру́га Верхотво́рче Го́споди, и Це́ркве Зижди́телю, Ты мене́ утверди́ в любви́ Твое́й, желáний Кра́ю, ве́рных Утвержде́ние, еди́не Человеколю́бче.

Неизрече́нным милосе́рдием Твои́м защити́, Христе́, лю́ди Твоя́, и низложи́ дерзость враго́в на́ших.

Якоже дрéвле пре́дал еси́, Бо́же, иноплеме́нников ве́рному рабу́ Твоему́ Иису́су Наві́ну: та́ко и ны́не, Многоми́лостиве, преда́ждь сопроти́вныя по́лчища в ру́ки ве́рным рабо́м Твои́м.

Сла́ва: Не преда́ждь нас, Влады́ко, грех ра́ди на́ших и беззакóний в ру́ки враго́в, но преложи́ пра́ведный гнев Твой на ми́лость, и пода́ждь утеше́ние рабо́м Твои́м.

И ны́не: Ма́ти Бо́жия, сохрани́ под кро́вом Твои́м христолю́бное во́инство и страну́ на́шу, и Свои́м предста́тельством у Сы́на Своего́, Христа́ Бо́га на́шего, испроси́ нам побéду на враги́ и супоста́ты на́ша.

Катава́сиа: Иза́ви от бед рабы́ Твоя́, Ми́лостиве: я́ко мы усе́рдно к Тебе́ прибега́ем, к Ми́лостивому Иза́вителю, всех Влады́це, Го́споду Иису́су.

Седáлен:

Цёрковь вопиёт Ти, Христé Бóже: сíлою Крестá Твоегó укрепи вёрныя рабы́ Тво́я, и пода́ждь им побéды на сопроти́вныя.

Богорóдичен:

Богорóдице Дéво, скóрая мíру Помóщнице, Твоегó предстáтельства и заступлénия прóсим: умоли́ Мíлостиваго Сýна Твоегó и Бóга, от належáщих бед избáвити ны.

Песнь 4

Ирмóс: Ты моя́ крéпость, Гóсподи, ты моя́ и сíла, ты мой Бог, ты моé рáдование, не оста́вь нéдра Отча, и нáшу нищету́ посетív. тем с прорóком Авваку́мом зову́ ти: сíле твоéей слáва, Человеколю́бче.

Владýко Бóже, милосéрдием щадя́й лýди Тво́я, напáстьми же и скорбьмí обращáяй их пáки к Себé, отврати́ гнев Твой, и преложи́ скóрбь нáшу на рáдость, побéду на сопроти́вныя дáруя.

Не вни́ди в суд с рабы́ Тво́ими, Правосýде, занé никто́же постои́т пред Тобóю: но призира́я мíлостивно на смире́ние нáше, помíлуй нас, и пода́ждь нам утешéние.

Слáва: Владýко Гóсподи, руко́ю Твоéю всесíльною во глубинé погрузи́вый фараóна, Ты и ны́не дёрзость супостáтов нáших сíлою Крестá Твоегó низложи́, презира́я согрешéния нáша, я́ко еди́н Благоутрóбен.

И ны́не: Вели́кое дерзнове́ние ýмаши к Рóждшемуся из Тебé, я́ко никто́же ин: тёмже, Владýчице, моли́ся о рабéх Тво́их, избáвитися нам от нашéствия иноплеме́нников.

Песнь 5

Ирмóс: Вскýю мя отрíнул еси́ от лица́ Твоегó, Свéте незаходíмый, и покрýла мя ёсть чуждáя тьмá окаяннаго? Но обрати́ мя, и к свéту заповедей Тво́их путí моя́ напра́ви, молю́ся.

Не помина́й, Владýко, безчýсленныя соблáзны нáша: но вскóре преложи́в гнев Твой на милосéрдие, низложи́ враги́ нáша, и лýди Тво́я сохрани́ мíлостью Твоéю.

Прíзри, Мíлостиве, на лýди Тво́я, сýщия в скóрбех, и пода́ждь нам свýше пóмощь Твою́ на одолéние врагóв нáших.

Слáва: Укрепíвый дрéвле на гóрдаго Голиáфа мýшцу крóткаго Дави́да, и ны́не, Владýко, укрепи́ вёрныя лýди Тво́я, побéду да́я им на супостáты.

И ны́не: Тя еди́ну Пречи́стую Застýпницу ýмамы непобедíмую, и на Тя упова́юще вопиём Ти: избáви нас, Владýчице, от всех бед и зол.

Песнь 6

Ирмóс: Очи́сти мя, Спа́се, мно́га бо беззакóния моя́, и из глубины́ зол возведи́, молю́ся: к Тебé бо возопíх, и услы́ши мя, Бóже спасéния моего́.

Избавлéй, Владýко, в скóрби сýщия лýди еврейския́, и Сампсóну пода́вый крéпость Твоéю сíлою: Ты и ны́не, Мíлостиве, избáви лýди

Твоя от сопротивных, и побори борющая ны.

Дивен еси, Бóже, Твоею всесильною десницею спасаая уповающая на Тя: вся бо рука Твоя может. темже и ныне молим Тя, избави нас от враг наших.

Слава: **О**ком Твоим всевидящим, видя наследие Твое, Бóже, от сопротивных озлобляемо, умилосердися, Владыко, на люди Твоя, и низложи вражью дерзость.

И ныне: Под твоё благоутробие прибегаем, Богородице Дéво, моления наша не презри во обстоянии: но от бед избави ны, едина Чистая и Благословенная.

Катавасия: Избави от бед рабы Твоя, Милостиве: яко мы усердно к Тебе прибегаем, к Милостивому Избавителю, всех Владыце, Господу Иисусу.

Кондак, глас 4:

Вознесыйся на Крест волею, тезоименитому Твоему новому жительству щедроты Твоя даруй, Христé Бóже: возвесели нас силою Твоею, победы дай нам на супостаты, пособие имущим Твое оружие мира, непобедимую победу.

Песнь 7

Ирмос: Бóжия снисхождения огонь устыдеса в вавилоне иногда, сего ради отроцы в пещи радованною ногою, яко во цветнице ликующе, пояху: благословен еси, Бóже отец наших.

Престани от гнева, и призри милостивно на скорбь нашу, и не предаждь нас врагом нашим, отец Бóже.

Согрешихом, Господи, пред Тобю: но вемы, яко несть грех, побеждающь милосердие Твое, и сего ради во умилении зываем к Тебе: помилуй нас, отец Бóже.

Слава: **В**емы, Господи, яко наказуеши нас, яко Отец сыны, да скорбьми обратиши ны к Тебе, темже в покаянии зовем Ти: остави нам долги наша, и избави нас от враг наших, отец Бóже.

И ныне: Подвигни, Владычице, Ангелы и Архангелы, лики же пророков, апостол и мученик, согласно умолиши Сына Твоего и Бóга, да избавит ны от всех вражеских наветов и находений.

Песнь 8

Ирмос: Седмерицею пещь халдейский мучитель Богочестивым неистовно разжже, силою же лучшею спасены сия виде, Творцу и Избавителю вопияше: отроцы, благословите, священницы, воспойте, людие, превозносите во вся веки.

Кто изочтет, Христé, неизреченныя Твоя милости? Презираеши бо грехи кающихся, болезни же исцеляеши, и брани вся отвращаеши, и безумныя укрощаеши страсти, темже молимся Тебе: Человеколюбче Господи, обрати гнев Твой на милосердие к нам.

Разжени враги наша рукою Твоею, Господи, и защити нас люди Твоя, победу, якоже древле Давиду и Иисусу Навину на иноплеменники, подай ныне нам на вся возстающая на ны супостаты.

Сла́ва: Проро́цы со апо́сто́лы, му́ченицы со святы́тели, и преподо́бнии отцы́ со все́ми святы́ми, моли́тву твори́те ко Христу́ за ны приле́жно, да прело́жит гнев на ми́лость, побéду пода́я нам на сопроти́вныя враги́.

И ны́не: Богоро́дице Всепéтая, Ты вся мо́жеши у Превéчнаго Сы́на Твоего́: моли́ у́бо Его́, я́ко Милосéрдная Ма́ти, изба́вити ны от всех зол, да Тя непреста́нно велича́ем.

Песнь 9

Ирмо́с: Ужасéся о сем Не́бо, и земли́ удиви́шася концы́, я́ко Бог яви́ся челове́ком плóтски, и чре́во Твое́ бысть пространнейшее Небéс: тем Тя, Богоро́дицу, А́нгелов и челове́к чинонача́лия велича́ют.

Удиви́шася, Христé, щедрóты Твоя́, я́же на согрéшшия Тебé показáл еси́ испéрва обильно, на ня́же упова́юще, и мы грéшнии припада́ем Ти и мо́лимся: и нам ны́не яви́ благоутрóбие и щедрóты Твоя́, да Тя непреста́нно велича́ем.

При́зри ми́лостивно, Го́споди, на смире́нныя рабы́ Твоя́, ко Твоему́ благоутрóбию припада́ющия, и на Тя еди́наго все упова́ние возлага́ющия, и пода́ждь ве́рным лю́дем Твои́м си́лу и крéпость на одоле́ние всех враго́в на́ших, да Тя, всеси́льнаго Помо́щника, непреста́нно велича́ем.

Сла́ва: Я́ко óчи рабо́в в руку́ господий свои́х, та́ко всегда́ óчи на́ши к Тебé, Многоми́лостиве Го́споди Бо́же наш, при́зри у́бо ми́лостивно на ны, и низложи́ си́лою Твоею́ горды́ню враго́в на́ших, и под но́зе вóинства на́шего тех покорí, да Тя непреста́нно велича́ем.

И ны́не: Ма́ти Бо́жия, принеси́ усéрдныя моли́твы на́ша Сы́ну Твоему́, и Бо́гу на́шему, да спасéт ны Тобо́ю от всех враго́в на́ших.

Катава́сия: Изба́ви от бед рабы́ Твоя́, Ми́лостиве: я́ко мы усéрдно к Тебé прибега́ем, к Ми́лостивому Изба́вителю, всех Влады́це, Го́споду Иису́су.

Моли́тва:

Го́споди Бо́же наш, послу́шавый Моисе́я, простéршаго к Тебé рúце, и лю́ди Изра́илевы укрепíвый на Амалíка, ополчи́вый Иису́са Навíна на брань и повелéвый со́лнцу ста́ти. Ты и ны́не, Влады́ко Го́споди, услы́ши нас, моля́щихся Тебé. Укрепí си́лою Твоею́ ве́рныя лю́ди Твоя́, утверди́ всеси́льною Твоею́ десни́цею страну́ на́шу, сохрани́ вóинство ея́, послí А́нгела Твоего́, укрепля́ющаго их, отымí всяк глад и па́губу, сохрани́ их от взры́вов, огня́, пуль и оскóлков, пода́ждь им вся я́же ко спасéнию проше́ния, спутешéствуя им во всем. Послí, Го́споди, невидíмо десни́цу Твою́, рабы́ Твоя́ заступа́ющую во всех. Я́ко Твоя́ держа́ва, Ца́рство и си́ла, от Тебé вси по́мощь прие́млем, на Тя упова́ем, и Тебé сла́ву возсыла́ем, Отцу́ и Сы́ну и Свято́му Ду́ху, ны́не и при́сно, и во ве́ки веко́в. Ами́нь.